

procedere, eosque pro delictorum qualitate punire, & castigare valeant, ac Vicarius & alii Ecclesiastici iudices prædicti Examini & quæstionibus Clericorum, & personarum prædictarum, una cum ipsis secularibus iudicibus, juxta prædictorum prædecessorum nostrorum dictarum literarum tenorem intervenire debeant, omnibusque in præmissis providere de benignitate Apostolica dignemur.

Nos igitur, ne quod circa hoc tanto temporis spatio fuit laudabiliter observatum, quod non nisi canonicum principium habuisse præsumitur, infringatur; sed ut in suo robore permaneat providere, ac inconvenientibus & scandalis hujusmodi obviare, tuisque & istius Domini precibus, quantum cum Deo possumus annuere volentes, hujusmodi supplicationibus inclinati volumus, & auctoritate Apostolica concedimus & ordinamus, quod iudices seculares prædicti si per Vicarium & alios Ecclesiasticos iudices prædictos in procedendo præventi non fuerint contra Clericos & Ecclesiasticas personas atrocium criminum reas, per eos hujusmodi, prout hactenus a dicto tempore citra consueverunt procedere, illosque prout criminum & delictorum qualitas exegerit, condemnare, punire & castigare possint, dictique Vicarius, & alii Ecclesiastici iudices prædicti sub pœna excommunicationis per eos, nisi astiterint & interfuerint incurrenda, examini & processui hujusmodi assistere & interesse debeant. Mandamus propterea in virtute sanctæ obedientiæ, & sub dicta excommunicationis pœna Vicario & aliis Ecclesiasticis iudicibus prædictis, ne iudices seculares prædictos contra consuetudinem immemorabilem prædictam, & dictorum prædeces-